

III. Հանդիման

ՀԱՅ ԺՈՂՈՎՐԴԻ ՊԱՏՄՈՒԹՅԱՆ ՊԵՐԻՈԴԻԶԱՅԻԱՅԻ
ՀԱՐՑԻ ՇՈՒՐՋԸ

Հայկական ՍՍՌԻ Գիտությունների Ակադեմիայի Հասարակական գիտությունների Բաժանմունքի «Տեղեկագրի» 1947 թ. № 2-ում մտքերի փոխանակության կարգով տպագրված է պրոֆ. Ա. Արրահամյանի «Հայ ժողովրդի պատմության պերիոդիզացիայի հարցի շուրջը» խորագրով ուշագրավ հոդվածը:

Պրոֆ. Ա. Արրահամյանը լուրջ փորձ է կատարում պերիոդիզացիայի ենթարկելու սեր ժողովրդի բազմադարյան պատմությունը, Հեղինակի կարծիքով հայոց պատմության պերիոդիզացիան «պիտի սահմանափակ հետեւյալ ձևով. ա) Հին շրջան—նախնական համայնական հասարակության շրջանից մինչև մեր թվարկության առաջին դարի կեսերը, բ) Միջին դար—մեր թվարկության առաջին դարի կեսերից մինչև 18-րդ դարը ներառյալ, գ) 'սուր շրջան—19-րդ դարից մինչև սովետական կարգերի հաստատվելը և դ) 'նորագույն շրջան—սովետական ժամանակաշրջան»¹ Հայ ժողովրդի պատմության պերիոդիզացիան բարդ և դժվարին հարց է: Այդ դժվարությունը զգացել է նաև պրոֆ. Ա. Արրահամյանը՝ նշելով, որ նա «հավակնություն չունի պնդելու, որ առաջադրված բոլոր հարցերը հաջողվել է լուծել և նրանց դեմ չի կարելի վիճել: Ավելի ճիշտ կլիներ ասել, որ մենք համարձակություն ենք վերցրել մեղ վրա դնելու հարցերը: Եվ իսկապես, հեղինակի հոդվածն ունի ոչ միայն լուրջ վիճելի, այլև առարկելի շատ դրույթներ:

Եթե պրոֆ. Ա. Արրահամյանը առաջ է քաշել և աշխատել է լուծել «Հայոց պատմության պերիոդիզացիայի հետ կապված սկզբունքային նշանակություն ունեցող մի շարք հանգուցային հարցեր», ապա մենք մի համեստ փորձ ենք կատարել առաջ քաշելու միայն մեկ հանգուցային հարց—այն է՝ նախաարտաշխյան հաստատության և նրան նախորդող շրջանի հասարակական և քաղաքական կառուցվածքի հարցը:

Պրոֆ. Ա. Արրահամյանը իր վերոհիշյալ հոդվածում Արտաշխյան և նրան նախորդող շրջանը բնութագրելիս չի ասում իր վերջին խոսքը՝ նրա հոդվածից այն տպավորությունն է ստացվում, որ այդ շրջանը պետք է ընդունել կամ, որպես ստրկատիրական հասարակական ֆորմացիա, կամ անցման շրջանի հասարակություն, չնշտելով սակայն ստրկական ուղղադիր մեծ կշիռը:²

¹ ՀՍՍՌ ԳԱ «Տեղեկագրի», 1947 թ. № 2, էջ 44.

² Ստրկության և ստրկատիրական հասարակական ֆորմացիայի հարցերին մենք փոքրաչափ ենք հաջորդ հոդվածում:

Հայ ժողովրդի տնտեսական կյանքի պատմության հետազոտությունը առկա չէ նոր է սկիզբ առնում: Հայտնի է, որ հայ ժողովրդի տնտեսական կյանքի պատմության հարցերով դրադել են մեր անվանի պատմաբան Բանասերները: Առաջին փորձերը կատարել են Ղ. Ինճիճյանը,¹ Ալիշանը,² Գարագաշյանը,³ Ադոնցը,⁴ Մարտ⁵ վրացագետ Ջավախիշվիլին,⁶ իսկ սովետական շրջանում այդ բնագավառում անգնահատելի աշխատանք է կատարել Կադեմիկոս Հ. Մանանդյանը: Այդ հարցերը շոշափել են նաև Ս. Սամվելյանը⁸ Ա. Աբրահամյանը⁹ և ուրիշները:

Հին Հայաստանի պատմությունը մեզ մոտ առաջին անգամ գիտական հիմքերի վրա դրեց Ն. Ադոնցը իր «Армения в эпоху Юстиниана» ծանրակշիռ աշխատության մեջ: Նա ոչ միայն հանգամանորեն շարադրեց, այլ պատմա-քննական վերլուծության ենթարկեց մեր ժողովրդի հնագույն քրեական պատմությունը և մշակեց իր օրիգինալ սխեման:

Հայ ժողովրդի պատմության հնագույն շրջանի հիմքում Ն. Ադոնցը դրեց տոհմական կարգերը, տոհմական հարաբերությունների և արյունակցական իրավունքի սկզբունքը: Տոհմական կարգերն ու արյունակցական իրավունքը ըստ Ադոնցի՝ պատմական զարգացման որոշակի էտապում ենթարկվում են լուրջ փոփոխությունների, տալիս են ճեղքվածքներ, ստեղծում առաջանում են նյութական և սոցիալական անհավասարություններ և սոցիալապես միատարր տոհմը բոնում է քայքայման ուղին: Այդ հիմքի վրա ձևավորվում է խոշոր հողատիրությունը, նախարարական ֆեոդալական դասը և հայկական ֆեոդալիզմը: Պատմական այս պրոցեսը իր սկիզբն է առնում շատ հին ժամանակներից և հիմնականում առաջարկվում է Տիգրան Մեծի փոթորկալից էպոխայում:¹⁰

Պատմական զարգացման պրոցեսում ծնված «տնտեսական և սոցիալական անհավասարությունները» իրենց հետ բերում են նաև «քաղաքական իշխանությունների անհավասարություններ»:¹¹ Խոշոր հողատիրությունը

¹ Ղ. Ինճիճյան—«Հնախոսություն աշխարհագրական Հայաստանեայց աշխարհի», Վենետիկ, 1835, հատ. 2-րդ:

² Ալիշան—«Այրարատ», Վենետիկ, 1890 թ. և «Հայաստանում» (առաջին հատվածը)՝ աշխարհաց գլուխը):

³ Ա. Գարագաշյան—«Քննական պատմություն Հայոց», Թիֆլիս, 1895, հատ. 2-րդ:

⁴ Н. Адоиц—«Армения в эпоху Юстиниана». СПб, 1908 г., стр. 383—457.

⁵ Н. Марр—«Кавказский культурный мир и Армения». СПб, 1915. Նույնի ընդարձակ բնությունը Ջավախիշվիլի «Государственный строй древней Грузии и Армении» (առաջին հատված), 1908 г.

⁶ Джавахов—«Государственный строй древней Грузии и Армении». СПб, 1905 г.

⁷ Манандян—«О торговле и городах Армении», Ереван, 1930, стр. 5—18, «Քննական պատմության հայ ժողովրդի պատմության», Երևան, 1945, էջ 75—85, նույնի «Проблема общественного строя доаршакидской Армении» (см. «Исторические записки», 1945 г., стр. 3—28).

⁸ Ս. Սամվելյան—«Սարկությունը հին Հայաստանում» (առաջին հատվածը) և «Գրականության ինստիտուտի ճեղհկազիր», գիրք II, 1957, էջ 87—140, նույնի «Հին հայ իրավունքի պատմություն», հատ. Ա, 1939, էջ 208—319:

⁹ Ա. Աբրահամյան—«Հայ ժողովրդի պատմության պերիոդիզացիայի հարցի շուրջը» (ԳԱ «Ճեղհկազիր», 1947, № 2, էջ 29—44:

¹⁰ Ն. Ադոնց—անդ, էջ 410:

¹¹ Ն. Ադոնց—անդ, էջ 388, 435:

հանդիսանում է «ոչ միայն ֆեոդալական կարգերի հիմքը», այլև «կարևոր միջոց մարդկանց վրա իշխելու համար»¹ ֆեոդալիզմի, ֆեոդալական արտադրական հարաբերությունների բնորոշ հատկանիշը Ն. Ադոնցը համարում է «գերադույն քաղաքական իշխանության բաժանվածությունը»² Ակնհայտ է, որ Ն. Ադոնցը հայ ժողովրդի նախնական շրջանի պատմության հիմքում դնում է երկու հիմնական սկզբունքներ՝ տոհմական կարգերը և այդ կարգերի քայքայման հետևանքով առաջացած ֆեոդալական հարաբերությունները։ Պատմական այս կոնցեպցիան ինչպես մեզ մոտ Ն. Ադոնցը, այնպես էլ ուրիշ պատմագրության մեջ Սուլվյովը և Կյուլչևսկին զարգացրել են սոցիոլոգիական դպրոցի պատմա-քաղաքական հայացքների ազդեցության ներքո, ազդեցություն միայն այն տարբերությամբ, որ եթե Սուլվյովը—Կյուլչևսկին հյուսիս-արևելյան սլավոնական ցեղերի տնտեսական կյանքի պատմության հիմքում դնելով տոհմական սկզբունքը, բացասում էին ֆեոդալական արտադրական հարաբերությունների առկայությունը հին Ռուսիայում, ապա մեզ մոտ Ն. Ադոնցն առաջինն էր, որ համարձակ կերպով առաջ քաշեց հայկական ֆեոդալիզմի գոյության փաստը։

Սուլվյովը, հետևելով Կալեյնին, ուսական պատմության հին շրջանը կապեց սլավոնական ցեղերի մոտ տոհմական կենցաղի առկայության հետ։ «Տոհմական կապերի քայքայման հետևանքով,—գրում է նա.—հյուսիս-արևելյան Ռուսիայում տոհմական հարաբերությունները կամաց-կամաց անցնում են պետականության», իսկ այդ երևույթը հանդիսանում է սլավոնական ցեղերի հասարակական և տնտեսական կյանքի զլխավոր ու հիմնական երևույթը»³։

Ն. Ադոնցը համարձակ կերպով խոսելով հայկական ֆեոդալիզմի գոյության մասին, նրա կարևոր առանձնահատկությունը համարեց «գերազույն քաղաքական իշխանության բաժանվածությունը»։ Այս տեսակետը ուսական պատմագրության մեջ զարգացրել է պատմաբան Պավլով-Սիլվանսկին։ «Ֆեոդալիզմի առաջին զլխավոր հատկանիշը,—գրում է Սիլվանսկին,—պետք է ընդունել գերազույն իշխանության բաժանվածությունը, կամ նրա սերտ միաձուլումը խոշոր հողատիրության հետ»⁴։

Ինչպես Ն. Ադոնցը, այնպես էլ Պ. Սիլվանսկին ֆեոդալիզմը չբնութագրեցին որպես արտադրական հարաբերությունների սխտեմ, այլ՝ որպես «քաղաքական իշխանության բաժանվածություն»։

Այո է Ն. Ադոնցի առաջին լուրջ թերությունը։ Նրա երկրորդ, մեծ կասկած, ավելի լուրջ թերությունն այն է, որ նա ամբողջապես աչքաթող արեց գյուղական-երկրագործական համայնքների և ստրկական ինստիտուտի գոյությունը հին Հայաստանում։ Ավելին. շրջանցելով սարկատիական-հասարակական ֆորմացիան, զարգացնելով այն ճիշտ դրույթը, որ արմեններ—հայերը չեն անցել պատմական զարգացման այդ ընթացաշրջանը, նա չհասկացավ, որ տոհմական կարգերին հաջորդում է ոչ թե ֆեոդալիզմը, այլև գյուղական-երկրագործական համայնքները և նախաֆեոդալական-բարբարոսական տիպի պետությունը։

¹ Անդ. 383, 457.

² Անդ. 455.

³ С. Соловьев—История России. т. I, стр. 271—272.

⁴ П. Сильванский—Феодализм в древней Руси, СПб. 1907 г., стр. 69.

Նախաարտաշիսյան Հայաստանի և նրան նախորդող շրջանի հասարակական և քաղաքական կարգերը բնութագրելիս Հ. Մանանդյանը հիմնականում ընդունում է Աղոնցի եզրակացությունները, սակայն մի վերաբերում է:

«Ընդունելով, որ արմենների հասարակակարգի հիմքը Աֆեմենյուն տիրապետության ժամանակ կազմում էր տոհմական կենցաղը, որի մեջ սկսվել էր արդեն որոշ բեկում, և ի նկատի առնելով աղբյուրների տվյալները արմենների բասիլևս-արքայի, ռազմաառաջնորդների և մեծաթիվ ու ընդհանուր աշխարհազորի մասին կարելի է ըստիս եզրակացնել,—զրույց էր ակադ. Մանանդյանը,—որ հին արմենները, ինչպես և Յ—Ր—Ր դարերում (մեր թվարկությանից հետո) հին սլավոնները, գտնվել են «ռազմական դիմոկրատիայի» այն ընթացաշրջանում, որը հիշատակված է Ինդելսի մոտ»¹

Պրոֆ. Ս. Սամվելյանի կարծիքով վաղագույն ֆեոդալիզմը մեզ մոտ սկսվում է մոտավորապես Աբեմենյան տիրապետությունից Հայաստանում, այն է՝ մոտավորապես Յ—Ր դարից (ն. ք. մեր տարեթվարկության) և առնում է մինչև արաբական տիրապետությունը... «Այդ շրջանի սահմաններում նշմարում ենք,—դրում է նա,—զանազան իրար հաջորդող, հեղհեղեղ զարգացող էտապներ: Սկզբնական էտապը վաղագույն ֆեոդալիզմն է, երբ տոհմացեղային հարաբերությունների քայքայումից հետո սկսվում է նախաքաղաքային կազմավորման պրոցեսը, որը զարգանում է Արտաշիսյան հարստության օրով, մանավանդ Տիգրան Մեծի թագավորության ժամանակ»:

Ակադեմիկոս Բ. Գ. Գրեկովը իր հոդվածներից մեկում համարձակ կերպով առաջ քաշեց այն թեզը, որ Արմենիայում արդեն ստեղծվել էին սոցիալական բոլոր նախադրյալները՝ նախնադարյան համայնական հասարակակարգից, գյուղական-երկրագործական համայնքների միջոցով, ֆեոդալիզմին անցնելու համար: Ծիշտ է,—նշում է ակադ. Գրեկովը,—Հայաստանում համայնական կարգերը կենսունակ էին և շատ զօնավ հիշեցնում էին սլավոնական համայնքները, բայց նրանք քննարկված էպոխայում արդեն կորցրել էին իրենց տնտեսական նշանակությունը: Ստրուկների կացությունը հին Հայաստանում նույնն է, ինչ արևելյան սլավոնական ցեղերի մոտ: «Մեմֆ,—ամփոփում է ակադ. Գրեկովը,—կանգնած ենք մեր սովետական պատմական պատկերացումները վերանայելու անհրաժեշտության առաջ: Միօրին դարերը Կովկասում սկսվում են տվելի վաղ, քան միջնադարյան եվրոպայում»:²

Ակադեմիկոս Հ. Մանանդյանը հիմք ընդունելով Գրեկովի այս նոր եզրակացությունները, ավելի առաջ է անցնում և արմենների հասարակական կարգերը բնութագրում է որպես նախաֆեոդալական հասարակություն:³

Մեղ թվում է, որ պրոֆ. Ա. Աբրահամյանը իր վերոհիշյալ հոդվածում ճիշտ չի մեկնաբանում ոչ ակադ. Գրեկովին և ոչ էլ Մտնանդյանին:

¹ Հ. Մանանդյան—«Քննական տեսություն», էջ 84.

² Ս. Սամվելյան—«Հին Հայոց իրավունքի պատմություն», հատ. 1-ին, էջ 108.

³ Б. Г. Греков—«Спорные вопросы периодизации истории СССР (см. «Учительская Газета», 1940 г., 29/XII. (Ընդգծ. իմ է. Ս. Հ.)):

⁴ А. Манандян—«Проблема общественного строя доаршакидской Армении», стр. 27 (см. «Исторические вопросы» № 15 1945 г.)

«Արտաշեսյան հարստության շրջանը ֆեոդալիզմի շրջանն է, ինչպես նշում է Արրահամյանը, նրանք չեն համարում: Ակտդ. Գրեկովը և Մանանդյանը խոսում են ոչ թե ֆեոդալիզմի, այլ ֆեոդալական այնպիսի յուրահատուկ դժերի մասին. որոնք առկա էին հին Հայաստանում: Նրանք հին Հայաստանի հասարակական և քաղաքական կարգերը բնութագրելիս այդ էությունն նույնացնում են նախաֆեոդալական-բարբարոսական ախլի պետությունների ժամանակաշրջանի հետ, իսկ հայանի է, որ բարբարոսական ախլի պետությունները դեռ ֆեոդալական պետություններ չէին:

Մինչև նախաարտաշեսյան հաստատության հասարակական և քաղաքական կյանքի պատմության հարցերը շոշափելը մինք անհրաժեշտ ենք համարում ամենահամառոտ և ընդհանուր դժերով ցույց տալ, թե որոնք են տոհմական, համայնական և նախաֆեոդալական բարբարոսական պետության առանձնահատկությունները, պետական և հասարակական ինչպիսի կառուցվածք ունեն նրանք:

«Եվ այս տոհմական կազմակերպությունն, զրուս է էնգելսը, իր ածրող մանկական պարզության միաժամանակ զարմանալի մի կազմակերպություն է: Ամեն բան գնում է իր կանոնավոր ընթացքով — առանց զինվորների, ժանդարմների ու ոստիկանների, առանց ազնվականության, թագավորների, փոխարքաների, պրեֆեկտուրների և դատավորների. առանց բանտերի, առանց դատավարությունների... Այստեղ չեն կարող աղքատներ և կարիքավորներ լինել — կոմունիստական տնտեսությունը ու առհմբ հանաչում են իրենց պարտավորությունները ծերացածների, հիվանդների ու պատերազմի հաշմանդամների հանդեպ: Բոլորը հավասար են և ազանա և կանայք: Ստրուկների համար դեռևս տեղ չկա. նույնպես և, իբրև ընդհանուր կանոն, սովորություն չէ օտար ցեղերին իրանց ենթարկել»¹

Տոհմական կարգերի արտադրական հարաբերությունների հիմքը հանդիսանում է համայնական սեփականությունը: Այդտեղ ինչ որ ստեղծվում է գործ է ածվում ընդհանուր կողմից ընդհանուր սեփականություն է. տիրապետող սկզբունքն է սեփական աշխատանքով ձեռք բերված սեփականությունը, ուրիշի արտադրած արդյունքը չի յուրացվում:

Բոլորովին այլ կառուցվածք ունի գյուղական-հրկրագործական համայնքը: Պատմական զարգացման հետևանքով միաժամանակության առաջացման հիմքի վրա արդեն տոհմական արյունակցական հապերը հետին պլանն են անցնում, տարբեր տոհմի անդամները խառնվում են և հանդես են դալիս անբխորիալ սկզբունքների վրա հիմնված գյուղական համայնքների: Առաջանալով տոհմից, գյուղական համայնքը կտրուկ է իր պորտալարը բնությունից և հանդես է դալիս որպես ազատ մարդկանց սոցիալական խմբակցություն: Արդեն գյուղական համայնքում առկա, նրա կցորդը (придаток) ծուխը (двор) պատկանում է համայնքի անդամին որպես նրա սեփականություն: Զնայած վարելահողը դեռ մնում է համայնքի ընդհանուր սեփականություն, բայց նա հաջորդաբար բաժանվում է համայնքի անդամների

¹ Ա. Արրահամյան — առդ, էջ 38:

² Ֆ. էնգելս — «Ընտանիքի, մասնավոր սեփականության և պետության ծագումը», Երևան, 1933, էջ 113-113:

այնպես, որ յուրաքանչյուրը իր անհատական միջոցներով մշակում է առանձնացված հողակտորը և բերքը յուրացնում է որպես իր սեփականություն։ Գյուղական երկրագործական համայնքը հանդիսանում է նախադասակարգային աշխարհի հասարակության զարգացման վերջին էտապը, մի էտապ, երբ նախադասակարգային հասարակությունը թեև անցում է դասակարգային հասարակության։ Ահա թե ինչպես է գնահատում Մարքսը գյուղական համայնքի նշանակությունը։ «Գյուղական համայնքը հանդիսանալով հասարակության առաջին կազմավորման վերջին էտապը, միաժամանակ հանդիսանում է անցման էտապ երկրորդական կազմավորման, այսինքն անցման էտապ այն հասարակությունից, որը հիմնված էր ընդհանուր սեփականության վրա՝ հասարակության, որը խառնված է մասնավոր սեփականության վրա։

Երկրորդական կազմավորումը, ինքնին հասկանալի է, բնագրկեց մի շարք հասարակություններ, հիմնված ստրկատիրության և նորատիրության վրա։¹ Ահնհայտ է, որ Մարքսը երկրորդական կազմավորում, այսինքն դասակարգային հասարակություն ասելով, երբեք էլ չէր հասկանում միայն ստրկատիրական հասարակություն, համայնքների քայքայման հետևանքով, նրա բազայի վրա կարող էր ձևավորվել նաև նորատիրական հասարակությունը։

Արդ, ընդունելով, որ տոնական կարգերին հաջորդում է ոչ թե ֆեոդալիզմը, այլ գյուղական-երկրագործական համայնքները, աշխատենք պարզել անչափ կարևոր մի հարց, թե գյուղական համայնքների քայքայման հետևանքով պետական ինչպիսի սիստեմ է հաստատվում նախաարտաշխյան Հայաստանում։

Շատ ժողովուրդների և այդ թվում արմեններ—հայերի մոտ դասակարգային հասարակության պատմությունը սկսվում է պետական և հասարակական կառուցվածքի այնպիսի սիստեմից, որը իր սոցիալական էությունը և քաղաքական կառուցվածքով չի կարելի համարել ոչ ստրկատիրական և ոչ էլ ֆեոդալական տիպի հասարակություն։ Պատմական զարգացման որոշակի էտապում պատմության թատերաբեմ են իջնում նոր տիպի պետական սիստեմներ, որոնց վերջին շրջանում սովետական պատմաբանները նախաֆեոդալական-բարբարոսական պետություն անունը տվեցին։ Բարբարոսական տիպի պետությունները ստեղծվել են կովկասում, Անդրկովկասում, Միջին Ասիայում և վերջապես այդ կարգի պետություններ շարքին կարելի է դասել 9-11-րդ դարերի Կիևյան պետությունը։

Բարբարոսական նախաֆեոդալական տիպի պետությունները, որպես կանոն, նախորդել են ֆեոդալական պետություններին և ձևավորվել են համայնական կարգերի քայքայման հետևանքով։ Այդ տիպի պետությունները հետադոտոգների մի մասը այն պատկերացրել է որպես ֆեոդալական պետություն, մոռանալով, որ նախաֆեոդալական պետության մեջ իշխողն էր ոչ թե ֆեոդալական հասարակական ֆորմացիան, այլ դեռ նոր էր ռելիգիոզ առնում ու ձևավորվում ֆեոդալական կացութաձևը (ուկլադը)։ Հետադոտոգների մի այլ մասը փորձեր է կատարել նախաֆեոդալական բարբարոսական պետությունները ներկայացնել որպես ստրկատիրական հա-

¹ Маркс—Энгельс т. I, стр. 284—285 (Ընդգծում եմ է Ս. Հ.)

սարակական ֆորմացիա, ամեն կերպ ճգնելով ցույց տալ ստրկատիրական կացութաձևի գերիշխանությունը ֆեոդալական կացութաձևին կատմամբ: Եվ վերջապես ուսումնասիրողների մի այլ մասը նախաֆեոդալական բարբարոսական պետությունները դասել են տոհմացեղային քաղաքական միությունների շարքը և բարբարոսական պետությունները պատկերացրել են որպես «ցեղային միություն», «ուզմական միություն» կամ թե «ուզմական դեմոկրատիայի» կարգի պետություն, բացասելով բարբարոսական նախաֆեոդալական պետությունում նախնադարյան համայնական, ստրկատիրական և ֆեոդալական կացութաձևերից որևէ մեկի գերիշխող դերը:

Բայց այդ հետալուստողները սխալվում են: Նրանք աչքաթող են անում այն կարևոր հանդամանքը, որ նախաֆեոդալական բարբարոսական տիպի պետությունը անցման շրջանի պետություն է, որտեղ, ճիշտ է, սկսվել էր համայնական կարգերի քայքայման պրոցեսը, բայց դեռ կատաղի պայքարի մեջ էին երեք կացութաձևեր, այն է՝ համայնական, ստրկատիրական և ֆեոդալական: Այդ պայքարում ի վերջո հաղթանակող է հանդիսանում ֆեոդալական կացութաձևը: Ֆեոդալական կացութաձևի անման հետ զուգընթաց ստրկատերերն ու ստրուկները, համայնքի ազատ անդամները սկսում են քայքայվել և խտացնում են մի կողմից հողատերերի և մյուս կողմից ֆեոդալական կախման վիճակում գտնվող գյուղական բնակիչների շարքերը: Հողատեր ֆեոդալական դասի շարքն են անցնում տոհմացեղային ավագանին, համայնքի հարուստ և ազդեցիկ անդամները և նախկին ստրկատերերը:

Հողատերերից կախման վիճակում գտնվող գյուղական բնակիչները կազմավորվում են հասարակական հետևյալ խավերից. ա) այն ստրուկներից, որոնք ամրացվում են հողին և կառարում են գյուղացու աշխատանք. բ) համայնքի այն անդամներից, որոնք համայնական կարգերի քայքայման հետևանքով դրվել էին հողատիրոջից կախման վիճակում և գ) կիսազատ այն տարրերից, որոնք համայնական կարգերի քայքայման հետևանքով կորցրել էին իրենց արտադրական միջոցները, նույնիսկ զրկվել հողից:

Նախաֆեոդալական բարբարոսական տիպի պետության զարգացումը նույնպես ընթացել է անհամաչափ կերպով: Եթե նրա կենտրոնական, ավելի առաջադիմած մասերում արդեն գերիշխող դիրք են ձեռք բերում ֆեոդալական հարաբերությունները և ֆեոդալական կացութաձևը, ապա ծայրամասերում, առանձնապես լեռնային շրջաններում, նախնադարյան համայնական կարգերի քայքայման պրոցեսը դեռ նոր է սկիզբ առնում, իսկ շատ գեղերում նույնիսկ հանդիսանում է տերապետող արտադրական եղանակ: Նախաֆեոդալական պետությունը հիմնված էր բազմաթիվ ցեղերի, ավելի ճիշտ քաղաքական, քան տնտեսական կապերի ու միությունների վրա: Նախաֆեոդալական պետության վարչական և քաղաքական կարգերը, նրա առաջնորդի ֆունկցիաները ավելի բարդ էին ու ընդարձակ, քան «ուզմական դեմոկրատիայի» գերագույն առաջնորդի ֆունկցիաները:

Եթե «ուզմական դեմոկրատիայի» էպոխայում նրա առաջնորդը ուներ միայն ուզմական ֆունկցիաներ, իսկ հասարակական-տնտեսական և քա-

¹ Б. П. Греков — «Борьба Руси за создание своего государства», Москва, 1945 г. (см. тоже Проф. С. Юшков, «Варварские государства», «Вопросы истории», 1946 г., №1).

դաքական կյանքում վճռական ու որոշիչ դերը պատկանում էր ժողովրդական ժողովին, ապա նախաֆեոդալական պետության առաջնորդը չի հանդիսանում որպես սոսկ ազգական առաջնորդ։ Նա ոչ միայն ռազմական առաջնորդ է, այլև իրեն ենթակա տերիտորիայի ղեկավար։ Նա է, որ նշանակում է վարչական պաշտոններ, սահմանում է նրանց վրա հսկողություն, կադմակերպում է հարկերի հավաքման գործը, ղեկավարում է դատական պրոցեսը, կնքում է ռազմա-քաղաքական դաշինքներ, հայտարարում է պատերազմ և դրուժինան առաջնորդում է ղեպի մարտ։ Ռազմական դեմոկրատիայի ժամանակաշրջանում նրա առաջնորդի իրավունքներն ու պարտավորությունները որոշում և սահմանափակում էր ժողովրդական ժողովը, իսկ նախաֆեոդալական պետության առաջնորդը, ընդհակառակը, ինքն էր սահմանափակում ժողովրդական ժողովի իրավունքները։ Այստեղ ռազմական ուժը միայն զինված ժողովուրդը չէ, այլ հանդես է գալիս իշխանական դրուժինա, որը վճռական դեր է խաղում նախաֆեոդալական պետության կյանքում։ Ռազմական դեմոկրատիան կորցնում է իր նշանակությունը հատկապես այն ժամանակ, երբ նախնադարյան համայնական կարգերը ապրում էին սոցիալական խորը ճգնաժամ, երբ քայքայման պրոցեսն ընդգրկել էր համայնական կարգերի բոլոր բնագավառները։

Փեոդալական կացութաձևի զարգացման հետևանքով ռազմական դեմոկրատիան իր տեղը զիջում է նախաֆեոդալական պետությանը։ Մարքսը խոսելով մեծ ու տեղական իշխանների փոխհարաբերությունների մասին, այն համարում է վասալիտետ, առանց լենի կամ լեն՝ հիմնված հարկատվության վրա։ Նախաֆեոդալական պետության զարգացման վերջին էտապում, երբ ֆեոդալական հարաբերությունները ձեռք են բերում ազդեցիկ նշանակություն, երբ առանձին այն մասերը, որոնք մասնավոր նախաֆեոդալական պետության մեջ, նույնպես բռնում են ֆեոդալիզացիայի ուղին, արդեն նախաֆեոդալական պետությունը հանդես է գալիս որպես սոցիալական միատարր մի ամբողջություն։ Այս էպոխայում վասալիտետը առանց լենի վեր է ածվում վասալիտետի՝ հիմնված լենի վրա։ Լենը հանդես է գալիս ոչ միայն սոսկ հարկատվության իմաստով, այլ որպես որոշակի հողային տիրապետություն։ Սակայն նախաֆեոդալական պետությունը դեռ տիպիկ ֆեոդալական պետություն չէր։ Ի՞նչ ֆեոդալական հասարակական ֆորմացիայի «արտադրական հարաբերությունների հիմքը հանդիսանում է ֆեոդալի սեփականությունը արտադրության միջոցների և ոչ լրիվ սեփականությունը արտադրության աշխատողի—ճորտի նկատմամբ»,¹ ապա նախաֆեոդալական պետությունում գեռ իրար կողքի գոյություն ունեին երեք կացութաձևեր, որոնք համառ ու կատաղի պայքարի մեջ էին և որոնցից ստրկատիրական և ֆեոդալական կացութաձևերը մրցում էին դերիշխանություն ձեռք բերելու համար։ Այդ պայքարից, պատմական զարգացման հետևանքով, հաղթանակող է դուրս գալիս ֆեոդալական կացութաձևը։ Մի ժամանակ ազատ համայնականը արդեն դրվում է տնտեսական կախման մեջ։ Սակայն հասարակական այս խավը նախաֆեոդալական պետությունում գեռ զլխավոր արտադրող դասը չէր հանդիսանում։ Կախման վիճակում գտնված գյուղական այս բնակիչների կողքին գոյություն ունեին

¹ Համ. Կ. (թ)Պ համառոտ զգարթաց, Երևան, 1939 թ., էջ 169—170.

համայնքի աղատ անդամներ, որոնք և հանդիսանում էին նախաֆեոդալական պետության արտագրող հիմնական դասը: Եվ վերջապես, նախաֆեոդալական բարբարոսական պետությունում պետական իշխանությունը, պետական և վարչական ապարատը դեռ չէր ստացել այն ձևը, որը հատուկ էր ֆեոդալական պետությանը:

Այսինքն՝ 1. նախաֆեոդալական բարբարոսական տիպի պետությունը դեռ չէր հանդիսանում ֆեոդալական-սենյորական հիերարխիա, որտեղ, ինչպես հայտնի է, տիրոջ և ենթակայի հարաբերությունները որոշվում էին վասալական պարտավորություններով: Այստեղ դեռ տիրապետող սկզբունքն էր հարկատվությունը, պարտավորությունները, նվիրատվությունը:

2. նախաֆեոդալական բարբարոսական պետությունը դեռ ամբողջական չէր աղատադրվել «ցեղային միությունների» և «ռազմական դեմոկրատիայի» շատ ու շատ գծերից:

3. նախաֆեոդալական պետության առաջնորդը հանդիսանում էր ուղիորաբար այն առավել դորեղ ցեղախմբի առաջնորդը, որտեղ ամենից առաջ սկսվել էր դասային և սոցիալական շերտավորումը, որտեղ սկսվել էր ֆեոդալիզացիայի պրոցեսը:

4. Ժողովրդական ժողովը, որն այնքան կարևոր դեր էր խաղում տոհմական կարգերում և ռազմական դեմոկրատիայի էպոխայում, այստեղ կորցնում է իր վաղեմի նշանակությունը: Նրա փոխարեն հանդես է դալիս տոհմա-ցեղային ավադանուց կազմված խորհուրդը:

5. Եթե տոհմական կարգերի և ռազմական դեմոկրատիայի ժամանակաշրջանում զինված ուժը հանդիսանում է ժողովուրդը, ապա բարբարոսական պետությունում արդեն հանդես է դալիս իշխանական դրուժինա: Ռազմական ուժը այստեղ կազմված էր. ա) իշխանական դրուժինայից, բ) ժողովրդական աշխարհագորից և գ) վարձկան Պոկատներից: Իշխանական դրուժինան արդեն կապված էր իշխանի հետ, ապրում էր նրա բերդում, նրա հաշվին:

6. նախաֆեոդալական պետության գերագույն առաջնորդը իրեն ենթակա տերիտորիան կառավարում է իր օգնականների միջոցով: Տոհմացեղային նախկին առաջնորդները ոչ միայն հանդես են դալիս որպես ռազմական առաջնորդներ, այլև վարչական, կառավարչական օրգանների ղեկավարներ:

7. նախաֆեոդալական պետության առաջնորդի և իշխող դասերի եկամտի աղբյուրը ոչ միայն ռազմական ավարն էր, այլև հարկերը, առևտրական ու դատական մաքսերը և իրենց տնտեսությունից ստացած եկամուտները:

8. Այս նորաստեղծ նախաֆեոդալական պետություններն իրենց սարակական կառուցվածքով բոլորովին նման չէին անտիկ աշխարհի ստրկատիրական պետություններին: Նորաստեղծ հասարակությունը հիմնված էր ոչ թե ստրուկի, այլ գյուղական համայնքի աղատ անդամի աշխատանքի վրա: Այդ էր պատճառը, որ այստեղ ֆեոդալական արտադրական եղանակը դեռ տիրապետող չէր:

Առաջնորդվելով այդ սկզբունքներով՝ աշխատենք ցույց տալ, թե հասարակական ինչպիսի կարգեր գոյություն ունեին Հայաստանում նախա-

«Բաժնի»-յան անունով: Նախ՝ նկատենք, որ Վանի շրջանում առհասարակա-
յին միության հիման վրա առաջացած ուրարտական թագավորությունը,
որը հետագայում ընդգրկեց ամբողջ Հայկական բարձրավանդակը, բավականաչափ
բարձր զարգացած հասած, տնտեսություն և կուլտուրա ունեւոր: Ուրարտա-
գիւնքը նաաակյաց երկրագործներ էին, զբաղվում էին նաև անասնապա-
ստամբ: այգեգործությամբ: Հայկական բարձրավանդակի այն մասում,
որտեղ պայմանները բարենպաստ էին, «երկրագործությունը իր սկիզբն էր
առնել դեռ նեոլիթի է.գոխայումս»:¹

Պրոֆեսոր Բ. Պրոտրովսկին կարմիր Էլուրի պեղումների ժամանակ
Հայտարարել է հացարույների մի քանի տեսակներ՝ գարի, ցորեն, կորեկ,
տարեկան, այլև՝ խաղողի կորիզներ, տերևներ, որոնք խոսում են երկրա-
գործության ու այգեգործության զարգացած լինելու մասին: Արհեստանե-
րից զարգացած են եղել երկաթագործությունը, կավագործությունը, քա-
րակոփությունը, մանածագործությունը և այլն: Հայտարարել են բրոնզյա,
մանավանդ երկաթյա գյուղատնտեսական գործիքներ՝ խոփեր, բահեր, ման-
գաղներ, այլև բաղամթիվ դենքեր: Պրոֆ. Պրոտրովսկին հանգեց կարևոր
այն եզրակացության, որ Վանի թագավորությունում «մետաղագործության
ընագավառում գերիշխող դերը պատկանելիս է եղել երկաթին»:²

Սակայն այդ մեծ պեռությունը կայուն և միատարր չէր: Վանի թա-
գավորությունը, ինչպես և Հին Արևելքի բոլոր պետությունները, ներկա-
յացնում էին իրենց կուլտուրայով տարբեր և զենքի ու ժող հպատակեցված
մանր երկրների մի միություն...: Պրոֆ. Պրոտրովսկին դույց է տվել, որ
չնայած սարկությունը, սարկական աշխատանքը Ուրարտում խաղում էր
վճռական դեր, բայց ազդուները նրան «հնարավորություն չեն առի
բացահայտելու Ուրարտուի սարկատիրական կարգերի յուրահատկությունը»:
Վանի-Ուրարտուի թագավորությունը չէր հանդիսանում սարկատիրական
պետություն (սարկատիրական անտիկ իմաստով), այլ այնանդ սարկու-
թյունը և ստրկական ուղիղոր մեծ կշիռ ունեին: Սխալվում է պրոֆ. Ա.
Արրահամյանը, երբ անվերապահորեն դրում է. «Արևելագետ և ուրարտա-
գետ մասնագետները, ինչպես հայանի է, Ուրարտուի նկատմամբ ասել են
իրենց վճռական խոսքը: Այսպես տկաղեմիկոս Ստրուվեի կարծիքով ուրար-
տական հասարակությունը՝ ռազմա-ստրկատիրական հասարակություն էր
հանդիսանում: Այդ թեզը համարձակ դրված է հատկապես պրոֆ. Պրոտ-
րովսկու ստալինյան մրցանակի արժանացած «Ուրարտուի պատմությունը
և կուլտուրան» աշխատության մեջ»:

Քանի որ պրոֆ. Ա. Արրահամյանը հակում ունի ոչ միայն Վանի թա-
գավորությունը, այլև նախաարտաշխյան Արմենիան բնութագրելու որպես
սարկատիրական հասարակական ֆորմացիա, ապա նա նույնիսկ նեղու-
թյուն չի քաշում դույց առու, թե հատկապես պրոֆ. Պրոտրովսկին իր
աշխատության մը էջերում է, որ «համարձակ կերպով» դրել է այդ թեզը:

7—Շ-րդ դարերում, երբ Առաջավոր Ասիայում աեղի էին ունենում
պետական և քաղաքական խոշոր հեղաշրջումներ, երբ պատմության թա-

¹ Բ. Է. Протровский—История и культура Урарту. Ереван, 1941, стр. 107.
(Ընդգծումը Բ. Է. Ս.)

² Ա. Պրոտրովսկի, էջ 181.

³ Ա. Արրահամյան—անդ, էջ 36.

տերությունից չքանում էին հին, երբեքի հզոր պետական կազմավորումները, և հանգես էին դալիս տոհմա-ցեղային նոր միություններ, այս թվում պատմական ասպարեզ էին բարձրանում արմեններ—հայերը, բաներով Վանի թագավորության տերությունները, Հայկական էթնոսի առաջնորդներն ձևավորվող պրոցեսը սկսվում է 7-րդ դարից (մեր թվ. ա.) և համընկնում է Վանի թագավորության անկման ժամանակաշրջանի հետ։ Ուսեններ—հայերը Ուրարտուի հզորության էպոխայում բազմաթիվ ցեղերի հետ միասին ենթակա էին նրա գերիշխանությանը և քննարկված ժամանակաշրջանում դալիս էին և քաղաքականապես և անասնապես և կուլտուրայով փոխարինելու Վանի թագավորությանը։ Հայանի է, որ Վանի թագավորության անկման հետևանքով նրանից առաջին հերթին անջատվեցին Հայկական լեռնաշխարհի արեմտյան մասերը, Հայկական լեռնաշխարհի հենց այդ մասերում էր, որ ստեղծվեցին տոհմա-ցեղային քաղաքական երկու նոր միություններ—հայերի (խայեր) և արմենների ղեկավարությամբ։ Հայկական լեռնաշխարհի հարավ-արեմտյան մասերում ստեղծվում է ցեղային մի նոր միություն Արմե (Արմինի) երկրի գլխավորությամբ։ Հայկական լեռնաշխարհի հյուսիս-արեմտյան մասերում ստեղծվում է ցեղային մի այլ միություն հայերի (խայերի) գլխավորությամբ։ որին դեռ 14-րդ դարում նախքան մեր թվարկությանը հեթանոսները կոչում էին խայասի։

Այս երկու քաղաքական նոր միությունների զարգացման և սահմանափակումների հետևանքով ստեղծվում է ապագա Հայ ժողովրդը։

Վանի թագավորության կողմից մեծ էին մտնում—գրում է Հայկական ՍՍՌ Գիտությանների Ակադեմիայի իսկական անդամ Գ. Ղաֆանյանը,—այնպիսի երկրներ, որոնք ունեին իրենց կառավարողների ամբողջ զինուստիաներ և նրանցից շատերի անունները պահպանվել են Հայկական միջնադարյան տառերով։ Հատկապես այն մարզերի անուններով, որոնք շափազանց կարևոր նշանակություն են ունեցել Հայաստանի քաղաքական կյանքում՝ հայկական պետականության կազմավորման և՛ զարգացման։

Արմեններ—հայերը Ուրարտուի հզորության էպոխայում մտնելով ցեղային այն միության մեջ, որին գլխավորում էր Ուրարտուն։ ոչ միայն չեն կորցնում իրենց ցեղային տոհմա-անասնապետությանը, այլև այնքան են առաջադիմում ու զարգանում, որ Ուրարտուի անկումից անմիջապես հետո փոխարինում են ուրարտական ցեղային միությունը և ղեկավար դեր են խաղում նոր ցեղային քաղաքական միությունների կազմավորման ու ձևավորման ասպարիզում։

7—6-րդ դարերում (մեր թվ. ա.) Ուրարտական թագավորությունն ապրում էր սոցիալական խորը ճգնաժամ։ Սոցիալական ներքին հակասությունները մի կողմից, բազմաթիվ ցեղերի և այդ թվում արմեններ—հայերի անկախ պայքարը քաղաքական ինքնուրույնության ձեռք բերելու համար՝ մյուս կողմից, և առաջ կիմերների և սկյութացիների արշավանքները երրորդ կողմից, վերջնականապես խորապես Ուրարտուն և խորտակեցին անվերապարձ կերպով։ Ուրարտուի անկումից հետո պատմության թատերաբեմ են բարձրանում արմեններ—հայերը, Դարախառադ

1 Г. А. Канаянц — «Историко-лингвистическое значение топонимии армянской Армении», Ереван, 1940 г.

մենք արմեններ—հայերի նախնական շրջանի պատմության մասին ընդարձակ վկայություններ, վավերագրեր, ազգային մատյաններ չունենք։ Քննարկված ժամանակաշրջանի միակ արժանահավատ վկայությունները պահպանվել են Հերոդոտի, Քսենոֆոնի, Ատրաբոսի երկերում և հետագայում ազգային մատենագրության մեջ։ Արմեններ—հայերի մասին հնագույն շրջանի (6-րդ դարի առաջին կեսեր մեր թվ. ա.) միակ արժեքավոր վկայությունը հանդիսանում է Մանեսի «Կիրոսագիտան», «Պատմաբաններից ոմանք»,—գրում է ակադ. Ն. Մանանդյանը,—ոչ մի արժեք չեն տալիս այդ վեպին, իբրև պատմական աղբյուրի։ Սակայն, անժխտելի է, ըստիս, որ նրա մեջ հատկապես արմեններին վերաբերող տեղեկությունները չեն կարող լինել մտացածին և հնարովի և իրենց մեջ որոշ չափով արտացոլում են պատմական իրականությունը¹։

Որո՞նք են այն պատմական իրողությունները, որոնք արժեքավոր աեղ են գտել Քսենոֆոնի երկում։ Դժոխատարար, մեր պատմաբան բանասերները գերադանցապես իրենց ուշադրությունը կենտրոնացրել են Քսենոֆոնի նկարագրությունների արտաքին կողմի վրա, անուշադրության մատնելով նրա մոտ տեղ դառն սոցիալական այն հարաբերությունները, որոնք հատուկ էին Արմենիային Քսենոֆոնի էպոխայում։

Քսենոֆոնը իր պատմական վեպում նկարագրում է, որ Կիաքսար II-ի և Կյուրոս Մեծի ժամանակ Արմենիան արդեն առանձին թագավորություն էր դառնակցած միդիացիներին և պարսիկներին։ Արմենների թագավորը Կիաքսարի հայր Աթդահակի դեմ մղած մարտերում պարտվում է և հանձն է առնում չկառուցել ամրոց բերդեր, վճարել հարկեր և պատերազմի դեպքում Աթդահակի տրամադրության տակ դնել հատուկ բանակ։ Սակայն, երբ միդիացիներն ու բաբելացիները պատերազմական գործողությունների մեջ էին, Արմենիայի թագավորը օգտագործում է այդ կացությունը, հրաժարվում է հարկեր վճարելուց և իրեն անկախ է հայտարարում։ Պարսկական թագավոր Կյուրոսը Կիաքսարի հետ մտնում է Արմենիա, ստիպում է Արմենիայի թագավորին հնազանդվելու, հարկատու դառնալու, և այդ դեպքերի կապակցությամբ է, որ Քսենոֆոնը նկարագրում է Արմենիան, նրա բնակիչների զբաղմունքը, հասարակական ու քաղաքական կարգերը։

«Ամեն մի դեպքում,—գրում է Էնգելսը,— հասարակության տնտեսական կառուցվածքը այն հիմքն է, որով և վերջին հաշվով պետք է բացատրվի յուրաքանչյուր պատմական ժամանակաշրջանի իրավական ու քաղաքական հաստատությունների, ինչպես նաև կրոնական-փիլիսոփայական և այլ հայացքների բովանդակ վերահանքը»²։

Մենք բավականին ուշադրավ վկայություններ ենք գտնում անտիկ հեղինակների մոտ Արմենիայի հասարակական և տնտեսական կառուցվածքի մասին։ Իմենք այլ վկայություններին։

Արմենների գրադմուցը։ ա) Երկրագործությունը.

Քսենոֆոնը Արմենիան կոչում է ընդարձակ և բարեկեցիկ երկիր։ Կարգուխնների երկիրը անցնելուց հետո, —վկայում է Քսենոֆոնը,—ասում

¹ Ն. Մանանդյան—տե՛ս, էջ 37—38.

² Էնգելս—Անտի-Դյուրինգ, Երեւն, 1932 թ., էջ 22.

էին, որ հելլենները կգան Արմենիա, որը «մեծ է և հարուստ ու գտնվում է Օրոնասի Օրոնասի (Երվանդի) իշխանութեան տակ»¹

Արմենները Գսենոֆոնի էպիսայում նստակյաց և երկրագործ ցեղեր էին, երկրագործութիւնը նրանց մոտ գտնվում էր անհամեմատ ավելի բարձր աստիճանում։ Երկրագործութեամբ զբաղվում էին ոչ միայն արմենները, այլև նրանց հարևանները։ Քսենոֆոնը և Սարաբոնը վկայում են, որ այն խալդուները, որոնք ապրում էին պոնտական լեռնային մասերում, նույնպես զբաղվում էին երկրագործութեամբ²։ Երկրագործութեամբ զբաղվում էին նաև կարգուխները և նույնիսկ Հայկական լեռնաշխարհում բնակվող թափառական խաշնարած խալդայների մի մասը։ Հելլենները գրավելով կարգուխների լքված գյուղերը, ոչ միայն հայտաբերում են առատ պաշարներ, այլև տեսնում են զեղեցիկ աներ, որտեղ կային մեծ քանակութեամբ պղնձե ածանցներ, անուշահոտ գինիներ, խալդայների և արմենների մեջ, ըստ Քսենոֆոնի, կար անհաշա թշնամութիւն հողերի և արոտավայրերի պատճառով։ խալդայները գրավելով Հայկական լեռնաշխարհի արոտավայրերը՝ տնտեսական մեծ ֆուս էին հասցնում արմեններին, իսկ վերջիններս նվաճելով հարթավայրերի մշակելի հողերը՝ հույժ աղքատութեան մեջ էին պահում երկրագործ խալդայներին։

Դիմելով խալդայներին, Կլարոսը հարցնում է. «Արդ, ճիշտ չէ, որ դուք այժմ աղքատ եք... լավ հողերի կարիք ունենալու պատճառով։ Նրանք հաստատեցին այդ։ Արդյոք չէիք ցանկանալ, որ դուք ևս վճռեիք նույնը, ինչ մյուս արմենները, և թույլտվութիւն ստանայիք մշակելու Արմենիայի հողերը որքան որ կցանկանայիք։ Եթե մենք հավատացած լինեինք, ասացին խալդայները, որ նրանք մեղ չեն նեղացնելու իսկ դու, ով Արմենների թագավոր, ասաց Կլարոսը, չէիր ցանկանա, որ քո այժմյան անմշակ հողերը գառնային պտղաբեր, եթե մշակողները համաձայնեին վճարելու ձեզ մոտ ընդունված հարկերը։ Այդ, ասաց Արմենների թագավորը, չատ մեծ արժեք կունենար, որովհետև եկամուտը խիստ կավելանար։ Իսկ դուք, ով խալդայներ, դիմում է նրանց Կլարոսը, որ լավ սարեր ունեք, արդյոք չէիք թույլ տա, որ արմենները օգտվեն նրանցից, իբրև արոտավայրերից, եթե արածացնողները համաձայնվեն ձեզ վճարելու արդար տուրք։ Մեծ օգուտ կստանայինք, ասացին խալդայները, առանց աշխատելու իսկ դու, ով Արմենների թագավոր, չէիր ցանկանա օգտվել այն արոտավայրերից, եթե խալդայներին մի փոքր օգուտ տալով ինքդ ավելի մեծ օգուտ ստանայիր։ Իհարկե կցանկանայի, ասաց Արմենների թագավորը, եթե գիտենայի, որ կարելի է անվտանգ կերպով արոտներից օգտվել»³։

Հետաքրքրական և ուշագրավ այս վկայութիւնը մեղ շատ բան է բացատրում։ Ակնհայտ է, որ հողն այստեղ մասնավոր սեփականութիւն է։ Հակառակ դեպքում, անիմաստ է դառնում Կլարոսի դիմումը և արմեններին և խալդայներին։ Հողի օգտագործման դիմաց օգտագործողը պետք է

¹ Քսենոֆոն — «Անաբազիս», գիրք 3, գլ. 3, 16, 17.

² Քսենոֆոն — «Անաբազիս», 5, Սարաբոն — XIV, 3, 10.

³ Քսենոֆոն — «Կերոպեդեա», գիրք 3-րդ, գլ. 3, 1—16.

վճարեր որոշ քանակի հարկեր, այսինքն հողօգտագործման արժեքը: Պարզ է, որ համայնական կարգերում և նույնիսկ գյուղական համայնքների ժամանակաշրջանում ոչ միայն հողօգտագործման հարկեր չկային, այլ մշակված հողը դեռ մնում էր ցեղի սեփականություն և արվում էր օգտագործման համար սկզբում առանձին, հետագայում սրա կողմից տնային համայնքներին և ի վերջո առանձին անհատներին: Նրանք կարող էին միայն որոշ չափով սեփականության իրավունք ունենալ այդ հողի վերաբերյալ, բայց ոչ ավելին:

Բայց արմեններ—հայերը միայն երկրագործներ չէին: Նրանք գտնվում էին դարգացման ավելի բարձր աստիճանում, քան նստակյաց երկրագործ ցեղերը: Երկրագործության հետ միաժամանակ Արմենիայում դարգացած էր այգեգործությունը, կուլտուրական բույսերի մշակույթը: Նահանջող հելլենները արմենական գյուղերում գտնում են ոչ միայն առաջադարձներ—ցորեն, գարի, այլև հին անուշահոտ գինիներ, ոգելից իմիչքներ, չամիչ, դանադան ընդեղեններ, խոզի ճարպ, քնջութ, գառը նշի երևեկնի յուղ: Արմեններին ծանոթ էին կաթերը, աղորիքը և գյուղատնտեսական այլ գործիքներ: Արմենները գործածում էին նաև երկաթ:

Էնդելսը խոշոր նշանակություն է տալիս երկաթի գյուտին. «Հետևյալ քայլը տանում է մեղ դեպի բարրարոսության բարձրագույն աստիճանը, այն շրջանը, որի ժամանակ բոլոր կուլտուրական ժողովուրդները անց են կացրել իրենց հերոսական դարաշրջանը, այն է՝ երկաթե սրի, բայց նաև երկաթե խոփի և կացնի դարաշրջանը: Երկաթը օգտակար դարձավ մարդու համար: Նա բոլոր տեսակի հում նյութերից վերջինն ու ամենակարեւորն էր, որոնք երբեմնիս պատմական հեղաշրջիչ դեր են կատարել... Երկաթը դաշտարուծություն ստեղծեց խոշոր առաքածությունների վրա... Այն արհեստավորին այնպիսի ամուր և սուր գործիք տվեց, որին չէր կարող գիմանալ ոչ մի քար, և ոչ մինչև այդ ծանոթ մետաղ: Սակայն այդ ամենը տեղի ունեցավ հետդհետեւ:

Ինչպես բոլոր երկրներում, այնպես էլ Արմենիայում, հողային մասնավոր սեփականությունն ընդարձակվում էր համայնական հողերի հաշվին: Դրան համայնական ավագանին, որովհետև առաջնորդներն սկսում էին ընդարձակել իրենց հողային տիրապետությունները ի հաշիվ գյուղական համայնքների և նվաճված տերիտորիաների հողերի և հանդես էին գալիս որպես հասարակական նոր խավեր, որոնք նպաստավոր պայմաններում, նույնիսկ առանց բռնության մասնակցության վեր էին ածվում հողատերերի: Այդ երևույթը նկատելի է նաև Արմենիայում: Այստեղ ոչ միայն հողը մասնավոր սեփականություն էր, այլև օրինականացված էր հողօգտագործման դիմաց վճարվելիք հարկերի քանակը: Այդ ավելի էր, քան տոհմական կարգերը և ռազմական դեմոկրատիայի ժամանակաշրջանը:

բ) Անաստասիանյույններ:

Երկրագործության, կուլտուրական բույսերի ու այգեգործության

¹ Էնդելս—Վեստերի, ժամագործ սեփականության և պետության ծագումը, էջ 106.

² Անդ, էջ 107.

զարգացածն հետ միասին արմեններ — հայերի զբաղմունքի գլխավոր ճյուղերից մեկը հանդիսանում էր նաև անասնապահությունը։ Նահանջող հելլենները արմենական գյուղերում բռնագրավում են ոչխարի, խոզի, այծի, կովի, հորթի, հավի միս։ Անասնապահության ընագավառում խոշոր տեղ էին գրավում քաշող ուժերը՝ եղները և ձիերը։ Եղներն օգտագործում էին գյուղատնտեսության մեջ որպես քաշող ուժ, իսկ նրանց կաշուց արհեստավորները պատրաստում էին զգեղնական ոտնամաններ։ Քսենոֆոնի վկայություններից երևում է, որ անասուններն Արմենիայում ոչ թե առհասարակ, այլ անհատների սեփականություն էին։ Նկարագրելով արմենական գյուղերը, Կսենոֆոնը հիշատակում է, որ յուրաքանչյուր արմեն ունի իր տուն-բնակարանը, անհատական կահկարասին, առատ պաշարներ և անասուններ։ Բնակարաններն ունեին առանձին մուտքեր մարդկանց և անասունների համար։ Գոմերում կային բազմաթիվ և բազմաանոթ անասուններ՝ եղներ, կովեր, ոչխարներ, այծեր, խոզեր, հորթեր և այլն։ Թռչուններ։ Անասունները կերակրվում էին խոտով, իսկ խոտը պաշարում էին աշնանը։ Անասնապահությունից առանձնապես զարգացած էր ձիառուծությունը։ Մտնելով Արմենիա, Քսենոֆոնը տեսնում է ձիերի բազմաթիվ երամակներ և այն հարցին, թե ում համար են բուծվում այս ձիերը, արմենները պատասխանում են. «Թագավորի տան համար իբրև առուժ»։ Քսենոֆոնը մի շարք անգամ հիշատակում է, որ արմենների ձիերը, շնայած պարսկական ձիերից փոքր էին, բայց ավելի կայտառ ու զիջացկուն։ Հերոդոտը Արմենիան կոչում է *πελοπονησιακή*, այսինքն «անասուններով հարուստ երկիր»։ Ստրաբոնը ամբողջականացնում է Քսենոֆոնի և Հերոդոտի վկայությունները, ավելացնելով, որ Արմենիան ձիերի համար ունի շատ ավելի զիջեցիկ արոտավայրեր, որոնք ոչ մի բանով չէին զիջում Միդիայի արոտավայրերին։ «Երկիրը (Արմենիան), — ասում է Ստրաբոնը, — ունի ձիերի համար շատ արոտավայրեր, որոնք միդիականից վատ չեն, այնպես որ նեսեական ձիերը, որ օգտագործում էին պարսից թագավորները, այստեղ էին սնուցանվում։ Արմենիայի սասորապը սլարսից թագավորին ուղարկում էր տարեկան 20 հազար քուրակ իջրև տուրք միջրայի տոնի համար»։

Ինչպես հողը, այնպես էլ անասունները Արմենիայում արդեն մասնավոր սեփականություն էին։ Մասնավոր սեփականությունը Կսենոֆոնի էսոլոսայում աճում էր բուսն թափով և այն համարվում էր հասարակական կյանքի նորմալ երևույթը։

գ) Արմենների կենցաղը, բնակավայրերը և արարելությունները։

Քսենոֆոնը արժեքավոր տեղեկություններ է տալիս իր էպոխայի արմեններ—հայերի նիստուկացի, կենցաղի, սովորույթների, ամուսնական և ընտանեկան հարաբերությունների մասին։ Քսենոֆոնը վկայում է, որ կենտրոնական (Բոհտան-սու) գետի ափին կային արմենական բազմաթիվ գյուղերի ավերակներ, որոնք մնացել էին կարդուխների արշավանքներից հետո։ Այն գյուղը, որտեղ առաջին անգամ մտնում են հելլենները, մեծ էր, հարուստ, ունի սատրապի համար ալարանք—ամրոց, անների մեծ մասի

¹ «Անաբազիր», գիրք 4, գլ. 5. 38.

² Հերոդոտ, գիրք V, գլ. 49.

³ Ստրաբոն, գիրք XI, գլ. 14.

վրա կային աշտարակներ, Հելլենները ուր օր գնում էին, մենուր նրանք գնում էին առաջ աշտարակներ և զբոսում էին կերուխումով: Ուշագրավ են Քսենոֆոնի վկայությունները արմենների ընտանեկան և մոսուն-կան հարաբերությունների մասին: Երբ Քսենոֆոնը նկարագրում է, թե ինչպես Պուրոսը նվաճելով խալդայների երկիրը, ստիպում է արմեններին պայմանագիր կնքելու նրանց հետ, ի միջի այլոց նշում է. «Այնուհետև թուրք էլ իրար հավատարմությամբ խոստում տվին և համաձայնությամբ եկան, որ երկու կողմն էլ իրար հանդեպ կպաշտպանեն իրենց ազատությամբ, նրանք իրավունք կունենան փոխադարձ ամուսնություն»:¹

Էնգելսն իր «Ընտանիքի, մասնավոր օնիականության և պետության ծագումը» աշխատության մեջ, խոսելով մոսունության հարաբերությունների մասին, նշում է. որ «մենք մոսունության երեք գլխավոր ձև ունենք, որոնք ընդհանուր առմամբ համապատասխանում են մարդկային հասարակության զարգացման երեք գլխավոր աստիճաններին: Վայրենության շրջանին համապատասխանում է խմրական մոսունությունը, բարբարոսության շրջանին՝ զուգավորման մոսունությունը, քաղաքակրթության շրջանին՝ մենամոսունությունը»:²

Քսենոֆոնի վերահիշյալ վկայությունը խոսում է ոչ թե խմրամոսունության, այլ արքեր ցեղերի խառն մոսունության մասին: Մեզ թվում է, որ նրա էությունում Արմենիայի մոսունությունը կրում էր մենամոսունության բնույթ: Արմենների թագավորը ուներ մի կին և երկու տղա, որոնք ինչպես արմենների թագավորը, իրավունք ունեին ժողանգելու հոր հորդությունը: Անհատական մոսունության հիմնական նպատակը, ինչպես նշում է Էնգելսը, հանդիսանում էր տգամարդու իշխանությունը ընտանիքում և այսպիսի երեխաների սերումը, որոնք միայն նրան կարող էին պատկանել և որոնք պետք է ժողանգեին հոր հարսությունը: Այս էր անհատական մոսունության բարբոսիկ նպատակը: «Հողերի լիակատար մասնավոր սեփականությունը դառնալը կատարվում է հետզհետե, զուգավոր մոսունությունից մենամոսունության անցնելուն ղուգընթաց»:³

դ) Արեհեստները, արեհեստային արտադրությունը: Արտաքին ու ներքին առևտուրը, ֆաբրիկները և ֆաբրիկային կյանքը:

Աշխատանքի հասարակական պարզ բաժանման հետևանքով, ինչպես նշում է Էնգելսը, «հովվական ցեղերը բաժանվեցին բարբարոսական ցեղերի ճաշած մասսայից»: Բայց հասարակությունը կատարում է երկրորդ քայլը: Հարսությունը բուռն թափով աճում է իրրև անհատների հարսություն: Արհեստների զարգացման հետևանքով «ոստայնականությունը, մեծագույն զանգվածներ և մյուս հետզհետե առանձնացող արհեստները միմյանցից ու միմյանցից բաժանականություն և հարսարություն էին ծավալում արտադրության մեջ. երկրագործությունը՝ հացահատիկ, փոհակավոր ընդհանրություն և մրգերի հետ միասին այժմ տալիս է նաև ձեթ և դինի, որոնց պատրաստումը մարդիկ արդեն սովորել էին: Միևնույն անհատը այսպիսի քաղաքական գործունեություն այլևս չէր կարող ունենալ. մեջտեղ եկավ աշխատանքի երկրորդ մեծ բաժանումը... Արտադրության՝ երկու մեծ գլխա-

¹ «Իրագրություն», գիրք 3, գլ. 33. (Ընդունված է Ս. Հ.):

² Էնգելս, — մեզ, էջ 85.

³ Էնգելս — մեզ, էջ 188.

վոր հյուղերի--երկրագործության և արհեստի--բաժանվելու հետ մեկտեղ առաջ է դալիս արտադրության ուղղակի փոխանակության համար, առաջ է դալիս ապրանքային արտադրություն. նրա հետ միասին ծագում է առևտուրը, ոչ միայն ներքին և ցեղի սահմանազրիսին կատարվող առևտուրը, այլ նաև արդեն անդրծովյան առևտուրը: Բայց այդ բոլորը դեռ շատ անզարգացած վիճակում է գտնվում. թանկագին մետաղները սկսում են առավելապես և ընդհանրական դրամական ապրանք դառնալ, բայց դեռևս չեն կտրվում, այլ փոխանակվում են միայն իրենց չափողված քաշի համաձայն:¹

Այս երևույթը մենք նկատում ենք նաև Արմենիայում Քսենոֆոնի էպիսոպոսի: Վերը մենք նշեցինք, որ արմենները նստակյաց և երկրագործ ցեղեր էին, նրանք ունեին անուշահոտ գինիներ, ոգելից խմիչքներ, չամիչ, գանազան ընդեղեններ, դառը նշի և բեկկնի յուղ: «Յուղեր այստեղ (Արմենիայում) շատ կային, որ գործ են ածում ձիթայուղի տեղ»:² Յուղերն այնքան առատ էին, որ հելլենները ցրտից պաշտպանվելու համար նրանցով լվանում էին ոտքերը, մարմիններն ու ձեռքերը: Քսենոֆոնը, ճիշտ է, անուղղակի, բայց անգնահատելի տեղեկություններ է թողել արհեստավոր դասի մասին: Կյուրոսը,--պատմում է Քսենոֆոնը,--գրավելով խալդայների լեռները, որոշում է ամրոցներ կառուցել և հրամայում է արմենների թագավորի աղա Տիգրանին, որպեսզի վերջինս «մարդ ուղարկի հոր մոտ հայտնի, որ մա զա և քերի իր հետ հյուսններ և փարակսփներ այնքան, որքան կլինեն»:³

Արմենիայի թագավորը ստանալով այդ հրամանը, հավաքում է բոլորին, «հյուսներին և փրիշնեքին, որոնք կարծում էր, որ պետք կլինեին»,⁴ և անհապաղ շտապում է Կյուրոսի մոտ: Արհեստավոր դասի գոյության մասին կողմնակի վկայություններ են պահպանվել նաև Անաբազիսում: Հելլենները գրավելով Տիրիբազի վրանը, ռուսագրավում են «արծաթի ոտքերով գահույքներ, ըմպանակներ, բռնում են նաև հացարարներին և մատովակներին»:⁵ Ստրաբոնը կարդուխներին անվանում է «նշանավոր ճարտարապետներ, կառուցող վարպետներ, ոռոգման և ճարտար քաղաքների ու բերդերի պաշարման աշխատանքներում»:

Արհեստներից առանձնապես զարգացած էր զինագործությունը և կաշեգործությունը: Արմենները զինված էին թեթև և ծանր զենքերով, աղեղներով, նիզակներով: Պարզ է, որ կահկաքասին և զենքերը պատրաստվում էին արհեստավորների ձեռքերով: Արհեստային արտադրության զարգացման հետ միասին Արմենների մոտ զարգացած էր նաև ներքին առևտուրը: Տոհմական կարգերում և դյուղական երկրագործական համայնքների էպիսոպոսում մարդիկ արտադրում էին գերազանցապես իրենց սպասողական կարիքները բավարարելու համար: Այստեղ երբեմն փոխանակությունը եզակի էր և կրում էր պատահական բնույթ: Հովվական խաշնարած ցեղերի

¹ Անգ. էջ 197—198. (Հնդգծում Նիզակներն է. Մ. 2.)

² «Անբազիս», գրք 6, գլ. 4, 13.

³ «Կյուրոսի պատմություն», գրք 3, գլ. 3, 1—26. (Հնդգծ. թիվ է. Մ. 2.)

⁴ Անգ.

⁵ «Անբազիս», գրք 6, գլ. 23.

⁶ Ստրաբոն, գրք 11, գլ. 1, 26.

մոտ փոխանակությունը այլ ձևեր էր ընդունում։ Անասունների խոշոր հոտերի առկայության դեպքում սեփական կարիքներից ավելի ավելցուկներ են ստեղծվում և հիմք է դրվում կանոնավոր փոխանակության։ Աշխատանքի հասարակական նոր մեծ ռաժանման հետևանքով ստեղծվում են պայմաններ ապրանքափոխանակության և արտաքին ու ներքին առևտրի զարգացման համար։ Ապրանքափոխանակությունը և առևտուրը բարձրանում, դառնում է հասարակության համար կենսական անհրաժեշտություն։ Ստեղծվում է մի դասակարգ, որն այլևս արտադրությամբ չի զբաղվում, այլ զբաղվում է միայն արդյունքների փոխանակությամբ։ այդ վանառակունների դասակարգն էր՝

Աղբյուրները մեզ թողել են ուշագրավ վկայություններ Արմենիայի ոչ միայն ներքին, այլև արտաքին առևտրի մասին։ Եղեկիել մարզարեն խոսելով արմենների և փյունիկեցիների առևտրական գործունեության մասին, նկարագրելով Մուր քաղաքի վաճառանոցը, գրում է. «Եւ ի տանէ Թորգոմեայ ձիովք և հեծելովք և ջորւովք լցին զվաճառս քո»¹։ Արմեն վաճառականները Եփրատ գետի սրբնթաց ալիքները նվաճելու համար կառուցել էին կլոր վահանաձև առևտրական նավեր, որոնցով նրանք իջնում էին մինչև Բաբելոն, վաճառում էին բազմաթիվ ապրանքներ, հատկապես հայկական անուշահոտ գինիներ։

Քսենոֆոնը վկայում է, որ Կյուրոսը պահանջում է արմենների թագավորից իրեն մարդիկ տրամադրել հելլեններին «Հնդկաստան առաջնորդելու համար»։ Այս վկայությունը ապացուցում է, որ արմեն վաճառականներին ծանոթ էին Հնդկաստան տանող առևտրական ուղիները։

Քսենոֆոնի մոտ մենք գտնում ենք մի շարք վկայություններ նաև ներքին առևտրի զարգացման մասին։ Կյուրոսը մոտենալով Արմենիայի սահմաններին, լրտեսական մի ջոկատ՝ առևտրականների ծածկանվան տակ, ուղարկում է Արմենիա հրամայելով «Ոչ ոքի հետ անարդար չվարվել, որ եթե արմեններից որևէ մեկը հանդիպի, հայտնեն, որ անհանգիստ չլինեն և ասեն, որ ցանկացողները ծախու ապրանքներ բերեն ուր որ իրենց են գտնվելու, երե նրանց կամենում են ծովսել կամ Եւտեյի կամ խմիչք»²։ Այս վկայությունը խոսում է ոչ միայն պարզ ապրանքափոխության, այլև առևտրի մասին։ Քսենոֆոնի էպիսայում շրջանառության մեջ էր մտել նաև դրամը։ Կյուրոսը նվաճելով խալդայների երկիրը, կառուցելով ամրոցներ, իջնում է Արմենիա։ Նրան ընդառաջ է դալիս արմենների թագավորի կինը, բերելով բազմաթիվ թանկագին նվերներ և դրամ։ «Տիկին,— գիմում է նրան Կյուրոսը,— առ այդ փողերը քեզ, ամուսնուդ և որդիների համար զնիր այնպիսի բաներ, ինչ որ ձեռք բերելով զարդարելով ձեր կյանքը կանցկացնեք ավելի լավ կերպով։ Իսկ հողի մեջ բավական կլինի, որ մեր, մարմինները թաղենք, երբ մեզանից որևէ մեկը վախճանվի»։

¹ Էնդել, աղ. էջ 201.

² Հ. Մանանդյան—Քսենոֆոնի «Եկատրոն», էջ 10.

³ Հերոդոտ, գիրք 1-ին, 194.

⁴ «Իրոպեդիա», գիրք 3, գլ. 3. (Ընդգծում իմ է. Ս. Զ.).

⁵ «Իրոպեդիա», գիրք 3, գլ. 4. (Ընդգծ. իմ է. Ս. Զ.).

⁶ Անդ, գիրք 3, գլ. 3.

Արհեստների, արհեստային արտադրության, ներքին և արտաքին առևտրի զարգացման հետ պետք է որ զարգանային նաև քաղաքներն ու քաղաքային կյանքը: Դժբախտաբար Քսենոֆոնը մեղ չի թողել ուղղակի վկայություններ քաղաքների և քաղաքային կյանքի մասին, բայց նրա անուղղակի վկայությունները խոսում են այն մասին, որ արմեններին անձտնոթ չէին նաև քաղաքները: Քսենոֆոնը հիշատակում է մեծ և հարուստ ու բազմամարդ Եյուսմիաս քաղաքի մասին:

Ակադեմիկոս Մանանդյանը Գյուլիսիաս քաղաքը տեղադրում է մամանտակից Գյուլմրի—Լենինականի տեղը:¹ Եթե նույնիսկ Գյուլիսիաս քաղաքի տեղադրությունը չհամընկնի ներկա Լենինականի հետ, մի բան դուրս է, որ Արևելյան Հայաստանում գոյություն է ունեցել մեծ, հարուստ և բազմամարդ քաղաք: Հասնանալի է, որ քաղաքները, քաղաքային կյանքը, ներքին և արտաքին առևտուրը պատմական այս մամանակաշրջանում գտնվում էին զարգացման անհամեմատ ավելի ցածր ստադիայում: Ավելին, քաղաքները հին Հայաստանի տնտեսական կյանքում վճռական ու գերիշխող դեր չէին խաղում: Այս էպոխայում, ինչպես նշում է Էնգելսը, «գյուղը նույնպես կարող էր իշխել քաղաքի վրա»:² Քննարկված մամանակաշրջանում քաղաքամրցը հանդիսանում էր թագավորների, իշխանների պետական և վարչական, առևտրի ու արհեստային արտադրության կենտրոնը: Քաղաքային տնտեսությունը դեռ նախադրել էր, բնակիչների հիմնական զբաղմունքը երկրագործությունն ու անասնապահությունն էր: Ոչ միայն Արմենիայում, այլ հին Արևելքի բոլոր երկրներում դեռ քաղաքները տնտեսական իշխող դիրք ձեռք չէին բերիլ: Միայն սրանով կարելի է բացատրել այն, որ թագավորական իշխանությունները հին Արևելքում այնքան հեշտություն մեծ չէին իրենց մայրաքաղաքներում մի վայրից մյուսը: Քաղաքային արտադրությունը դեռ մնում էր գոյության անմիջական միջոցների արտադրության ստադիայում և այդ էր պատճառը, որ նա չկարողացավ լուրջ ճեղքվածքներ առաջացնել արտադրության հին եղանակի մեջ: Քաղաքներում չստեղծվեց լատիֆունդիաների տիպի տնտեսություն, որի հետևանքով ստրկությունը մեզ մոտ մեծ պատրիարխալ վիճակում և պատրիարխալ ստրկությունը մեծ գոյության միջոցների արտադրության ստադիայում:

Ե) Դասերը: Դասային հարաբերությունները:

Յ. Էնգելսը նշում է, որ «...Առևտրի ընդարձակման, փողի և փողային վաշխառության, հողի սեփականության և հիպոթեկի զարգացման հետ զուգընթացաբար արագություն առաջադիմեց հարոստության համակենտրոնացումը և կենտրոնացումը մի սակավաթիվ դասակարգի ձեռքում, իսկ դրա կողքին հանգեա եկավ մասսաների աճող աղքատությունը և աղքատների աճող մասսան»:³ Այս երևույթը մենք նկատում ենք նաև Արմենիայում: Քսենոֆոնը իր «Անտրազիս»-ում և «Կիրոպեդիա»-յում բազմիցս հիշատակում է թագավորի, նրա որդիների, ավագների, իշխանների, երեւելի արմենների և սոցիալապես ավելի ցածրաստիճանի

¹ Հ. Մանանդյան — «Բնական տեղություն», էջ 64.

² Էնգելս, առջ. էջ 203.

³ Առջ. էջ 203.

վրա գտնվող հասարակական խավերի— ծառաների, զեղչուկների, ջրկիճների ժառին, Հայանի է. որ ցեղերի և տոհմերի մեջ չէր կարող դասակարգերի բաժանում առաջի ունենալ, Հասարակութունը բաժանվում է դասերի և դասակարգերի պատճառով զարգացման որոշակի աստիճանում: Բացի արժեքների ընդհանուր սատրապից, Քսենոֆոնը վկայում է առանձին իշխանների ժառին, որոնք կառավարում էին երկրի տարբեր մասերը: Արմենիան Քսենոֆոնի էպոխայում վարչականորեն բաժանված էր երկու մասի— արևմտյան և արևելյան Արմենիայի: Սակայն Քսենոֆոնը վկայում է, որ Արմենիան ուներ մի սատրապ՝ Օրոնասսը (Երվանդը), իսկ Արևմտյան Արմենիայի՝ Տավրոսյան լեռների հյուսիսային կողմերի կառավարիչ Տիրիբազը ոչ այլ ոք էր, եթե ոչ Օրոնասսի կուսակալը: Այսպիսով Օրոնասսի օրոք Արևմտյան և Արևելյան Արմենիան արդեն համախմբված էր քաղաքական մի միության մեջ: Տոհմացեղային կապերը այս շրջանում իրենց տեղը զիջել էին տերիտորիալ կապերին, տերիտորիալ կապեր ամբողջ երկրի համար: Տոհմացեղային ոռոգմա-քաղաքական միությունների փոխարեն հանդես են եկել տերիտորիալ քաղաքական միություններ՝ մեկ իշխանի իշխանության տակ: Սա ավելին էր, քան «ռազմական ղեմակրատիան», որտեղ նրա առաջնորդը ուներ միայն ռազմական ֆունկցիաներ: Արմենների թագավորը ևրկիրը կառավարում էր առանձին իշխանների միջոցով: Դիմելով Արմենիայի թագավորին, Կյուրոսը հարցնում է. «Եթե մեկ իշխան ունենա և մեկ հանգստի գործի, արդյոք բույլ կտա՞, որ մեկ իշխանի, քեզ հանգստի մեկ ուրիշին»¹: Արմենների թագավորը առանց տատանվելու պատասխանում է. «Կնշանակեմ մեկ ուրիշին»:

Արմենների թագավորի դատի ժամանակ ոչ միայն ներկա էին և պարսկական և միդիական զորավորները, այլև «պատվավոր արմենները»:

Արմենիան նվաճելուց հետո Կյուրոսը որսի է դնում ոչ միայն պարսիկների, այլև արմենների թագավորի տղա Տիգրանի և «ավագանու հետ միասին»²: Հետաքրքրական է, որ ոչ միայն հասարակութունը բաժանված էր դասերի, այլև դատարանը կրում էր դասային բնույթ: Եթե տոհմական կարգերում և ռազմական ղեմակրատիայի էպոխայում գերագույն իշխանութունը պատկանում էր ժողովրդական ժողովին, ապա այս էպոխայում իշխող դասերի ներկայացուցիչներին դատելու իրավունք ուներ նրան հավասար դատարանը: Գրավելով Արմենիան, Կյուրոսը պահանջում է, որ նրա թագավորը լեռներից ցած իջնի դատվելու համար:

«Իսկ ով է լինելու իմ դատավորը, ո՞վ է ինձ դատելու»,— հարցնում է արմենների թագավորը:— «Պարզ է, — ասում է Կյուրոսը, — որ դատավորը կլինի նա, ում աստված հնարավորութուն է տվել վարվել թեզ հետ և առանց դատ անելու, ինչպես որ ցանկանում է»:

Ակնհայտ է, որ արմենների թագավորին դատելու իրավունք ուներ միայն ինքը՝ Պարսից թագավոր Կյուրոսը:

Մասնավոր սեփականության աճման զուգընթաց, իշխող դասերը ոչ

¹ «Կիրոսի պատմություն», գիրք 3, գլ. 1:

² Անդ. գիրք 3, գլ. 1:

³ Անդ. Ընդգծումը իմն է: Ս. Հ.:

⁴ «Կիրոսի պատմություն», գիրք 3, գլ. 1:

միայն ունեին ընդարձակ հոգաժաններ, անասունների մեծ հոտեր, այլև նյութական և դրամական մեծ հարստություն: Արմենների թագավորն, ըստ ակադեմիկոս Մանանդյանի հաշվումների, ուներ մոտ 12 միլիոն ուսուլու արժեքով հարստություն: Վճարողությունը այն հարստության հետ, որ թողել է իմ հայրը, ասում է Արմենիայի թագավորը, հաշվելով արծաթ դրամով, ավելի է, քան երեք հազար տաղանդ¹:

Ակադ. Մանանդյանը հաշվելով Արմենիայի թագավորի հարստությունը, գրում է. «Ընդունելով բարելոնական, պարսկական տաղանդի կշիռը մոտ 32,640 գր., Արմենների թագավորի հարստությունը իր կշռով հավասար կլինի $3000 \times 32,640 = 97,920$ կգ արծաթ դրամի: Իսկ եթե արծաթի և ոսկու հարաբերությունը ենթադրենք այն ժամանակ մոտավորապես 1:10, որն հավանական է, այդ հարստության դրամական արժեքը հավասար կլինի մոտ 12 միլիոն ոսկի ուսուլու»:

Նյութական և դրամական հարստություն ունեին ոչ միայն թագավորը, այլև նրա կիներ, տղաները, իշխանները և առանձին արմենները: Արգ, — հարցնում է հյուրոսը արմենների թագավորին, — ինչպե՞ս կվարվես, եթե նա, (այսինքն իշխանը: Ս.Հ.) շատ դրամ ունենա, թույլ կտաս որ հարսաանձ, թե նրան չհավար կդարձնես: «Եթե դրամ ունենա, — ասաց թագավորը, — կանոնեմ²: հյուրոսը գերել է արմենների թագավորի տղա Տիգրանի կնոջը: Ներքան գերությունից ազատելու համար պարսիկների թագավորը պահանջում է մեծ փրկավճար: Տիգրանը կնոջը ազատելու համար դիմում է հյուրոսին հետևյալ բառերով. «Ես, ով հյուրոս, իմ անձը կտամ, որպեսզի իմ կինը երբեք ծառայի չլինի»³: Արմենները նույնպես ունեին հոգաժան հարստություն. տհա այդ կարգի վկայություններից միայն մեկը: Երբ հյուրոսը խալդայների լեոներից ցած էր իջնում, նրան ընդառաջ են գալիս արմենները: Արմեններից ոչ ոք, վկայում է Քսենոֆոնը, «չմնաց տանը ոչ ազամարդ և ոչ էլ կին, այլ բոլորն ուրախ լինելով խաղաղության վրա, դիմավորեցին նրան, իրենց հետ բերելով այն, ի՞նչ ամեն մեկն ունի և համարում էր քանկարժեք»⁴:

Այս ուշագրավ վկայությունները ցույց են տալիս, որ արմենների մոտ նյութական և սոցիալական դիֆերենցիացիան հասարակական կյանքի նորմալ երևույթ էր համարվում: Այստեղ մասնավոր սեփականությունը արդեն տիրապետող դիրք էր ձեռք բերել և այն անցնում էր ժառանգաբար: Հարստությունը արմենների մոտ կուտակվում էր ընտանիքում և ընտանիքը հակադրվում էր առհմին: Գույքային այդ անհավասարությունը հակադարձ ազդեցություն էր անում հասարակական կառուցվածքի վրա, հիմք դնելով ժառանգական ազնվականության և թագավորական իշխանության կազմությանը⁵:

Անհատների ձեռք բերված հարստությունը ապահովելու և սրբազան-

¹ Անդ. գրք 3, գլ. 1.

² Հ. Մանանդյան — «Բնական տեություն»: Ճանաչողություն 1, էջ 38-39.

³ Քսենոֆոն — «Կիրոպեդա»: գրք 3, գլ. 13.

⁴ Անդ. գրք 3, գլ. 37.

⁵ Անդ. գրք 3, գլ. 3.

⁶ Էնդելս, աճ, էջ 126.

ծելու համար հարկավոր էր ստեղծել բոնի հաստատություն: Այդ հաստատությունը եկավ, հաստատվեց պետությունը,—գրում է Էնգելսը:

Արմենների թագավորի և իշխող դասերի եկամտի զլխավոր աղբյուրը հանդիսանում էր ոչ միայն պատերազմական ավարը, այլև հպատակներից հավաքված հարկերը: Արմենները հարկեր էին վճարում ոչ միայն սեփական իշխող դասերին, այլև Միդիային ու Պարսկաստանին: «Սիրելի արք», — գիմում է Կյուրոսն իր բանակին,— արմենների թագավորը առաջ դաշնակից էր ու հնազանդ գիտքսարին, իսկ այժմ նկատելով, որ նրա վրա հարձակվել են թշնամիները, արհամարհում է մեզ և ոչ դորք է ուղարկում մեզ և ոչ էլ տուրք վճարում: Արմենիան Միդիային տարեկան վճարում էր մոտ 60 տաղանդ, իսկ հիմա, զաշինքը խախտելուց հետո, պետք է վճարեր 100 տաղանդ: Այսինքն, եթե նա առաջ վճարում էր մոտ 200 հազար ոսկի ուսուրլի, այժմ պետք է վճարեր 400 հազար:

Հերոդոտը Պարսկաստանին հարկատու երկրների թվում հիշատակում է նաև Արմենիան:

«Պակայուկեից, արմեններից և նրանց հարևաններից մինչև Էվքոնիայան ծովը,—ասում է Հերոդոտը,—(Պարսկաստանը հարկ էր ստանում) 400 տաղանդ, 13-րդ շրջանն էր այդ»:

Մասնանշված այս հարկը, ընդունելով պարսկական տաղանդի արժաթի կշիռը մոտ 32,640 գրամ, հավասար կլինի մոտ 13,056 կիլոգրամ արծաթ գրամի... Ուրեմն 400 տաղանդ հարկը հավասար կլինի մոտ 2.419.200 ոսկի մարկի կամ 1.209.600 ոսկի սուբլում:

Քսենոֆոնը և հետագայում Ստրաբոնը հիշատակում են, որ բացի դրամական հարկերից, Արմենիան Պարսկաստան էր ուղարկում նաև նստուրալ հարկեր և առանձնապես ընտիր նժույզներ: Ստրաբոնը վկայում է, որ Արմենիան յուրաքանչյուր տարի պարսկական արքունիք էր ուղարկում 20 հազար ձի որպես զարքունի հարկ:

դ) Զինված ուժեր:

Առանձնապես ուշագրավ են անտիկ հեղինակների և աղբյուրն ժառանգիրների վկայությունները հայերի զինված ուժերի թագավորական զրուծինայի զինվորական կազմակերպության, բանակի շերտավորման և զենքերի ու նրանց տեսակների մասին: Արմենիան Քսենոֆոնի էպիտոլում ուներ ութ հազար հեծելազոր և քառասուն հազար հետեվակ: Հայկական բանակի այդ քանակը համարյա անփոփոխ է մնում Արշակունիների դարձ: Ազաթանգեղոսի վկայությամբ Տրդատ թագավորը ուներ 70 հազարանոց բանակ, այդքան զորք ուներ նրա որդի Խոսրովը: Տրդատը,—գրում է Ազաթանգեղոսը,—«Բազում մեծամեծք, և եթանասուն հազարաւ ընտիր զորու հանգերձ՝ խաղայր զնայր յԱյրարատ գաւառէ՝ ի վաղարշապատ քաղաքէ՝ անցանել ի ուհման» Գաւառացի:

¹ «Գիրք պեղում», գիրք 2, դ. 4.

² Հերոդոտ, գիրք 3, դ. 83.

³ Հ. Մանանդյան, տեղ, էջ 85.

⁴ Հերոդոտ, գիրք 3, դ. 83.

⁵ Ազաթանգեղոս—Պատմութիւն Հայոց, Թիֆլիս 1914, էջ 611.

Փափստոս Բուզանդը նույնպես հաղորդում է, որ Վասակ Մամիկոնյանն ուներ «էնդ ձեռամբն...արք գործոց իբրև վաթսուն հազար, ընտիրք և պատերազմողք»¹։

Եղիշեի և Փարպեցու վկայությունների համաձայն համարյա այդ քանակի բանակ ուներին Վարդան և Վահան Մամիկոնյանները²։

Արմենները, ինչպես վկայում է Կսենոֆոնը, գինված էին տեղերով, աղեղներով, կացիններով, ուներին նետեր, նիզակներ, կրում էին վահաններ, Առանձնապես աչքի էին ընկնում համարձակ նետաձիգները։ Բանակը բաժանված էր երկու մասի—հետևակի և հեծելազորի։ Կային նաև ծանրագնացներ։ Արմենական բանակը շերտավորված էր։ Բացի արմեններից այնտեղ ծառայում էին նաև վարձկան խալդուները, խալդայները և տառիները, «Խալդայները,—վկայում է Կսենոֆոնը,—կամ թալանով էին զբաղվում կամ ծառայում էին վարձով»։

Կյուրոսը խոստանում է, որ եթե նրանք համաձայնվեն ծառայելու իր բանակում որպես վարձկան զինվորներ, ապա նա կվճարի այնքան, որից ավելին մի ուրիշը երբեք չի վճարի³։ Որ արմենների բանակը խիստ շերտավորված էր, այդ է ապացուցում հետևյալ վկայությունը. «Ես քեզանից չեմ բաժանվի,—դիմում է Կյուրոսին արմենների թագավորի որդի Տիգրանը,—եթե անձամբ հարկադրված լինեի հետևելու քեզ որպես զուլմանավար»⁴։

Բանակում ծառայած զինվորները տարբերվում էին ոչ միայն իրենց սոցիալական կացությամբ, այլև արտաքին տեսքով։ Կյուրոսը դիմելով Արմենների թագավորի կնոջը ասում է. «Առ այդ փողերը... դու ուղարկիր որդուդ զորքի մեջ և նրանցով (այսինքն փողերով գնած հագուստով ու զենքով) ամենագեղեցիկ կերպով նրան դարդարիր»⁵։

Հայկական բանակի աճն ու զորութունը, դասային շերտավորումը փայլուն կերպով ցույց է տվել Երթնդահայրը։ Խոսելով Տիգրան Մեծի բանակի մասին, նա գրում է. «Հետևակամարտն ի վերայ ուսոց ձեռք բերելը, և պարսաւորքն առ հասարակ դիպաղեցունք, և շերտաւորքն ի ոռւսեր և ի տէգ նիզակի վառեալք. մերկքն վահանօք և զգետուք երկաթեօք պարածածկեալք։ Որոց ի մի վայր հասելոց բաւական էր տեսիլն միայն. և որ նոցայն պահապանակաց և զինուց փայլմունք և շողիւնք զթշնամիսն արտահաւածելն»։

Զորքերի այս մեծ թիվը, նրանց գինվածութունը, դասային շերտավորութունը, նրա կազմակերպութունը սեզ կովաններ են տալիս եզրակացնելու, որ այդ գինված ուժերը չէին կարող տոհմական կարգերի, գյուղական համայնքների և նույնիսկ ազգական դեմոկրատիայի էպոխայի ազգական ուժը հանդիսանալ։

Արդ, ինչ են ապացուցում այս բազմաթիվ և բազմազան վկայություն-

¹ Փ. Բուզանդ—Պատմութիւն Հայոց, ԵԳԲ, 1883, էջ 131.

² Եղիշե—Պատմութիւն Վարդանայ, Թիֆլիս, 1913, էջ 123—129. Փարպեցի—Պատմութիւն Հայոց, Թիֆլիս, 1904, էջ 160—161.

³ «Կիրոսագրո», գիրք 3, 26.

⁴ «Կիրոսագրո», Ա, 3.

⁵ Անդ.

⁶ Մեծբենցի—Պատմութիւն Հայոց, էջ 73.

ները: Նրանք ցույց են տալիս, որ Արմենիայում և արմենների մոտ նյութական, սոցիալական և դասային խորը դիֆերենցիացիան իր ոլորապատկարի մեջ էր առել արմենական հասարակական և քաղաքական կյանքի բոլոր բնագավառները:

Այս ընթացաշրջանում արմենների հասարակական ու քաղաքական կյանքն ավելի բարդ էր և գանձում էր ավելի բարձր աստիճանի վրա, քան մինչև օրս կտրծվել է: Քննարկված ժամանակաշրջանը, մեզ թվում է, կարելի է բնութագրել որպես նախաֆեոդալական բարրարոժական պետության ժամանակաշրջան, մի ժամանակաշրջան. երբ արմենների մոտ ստեղծվել էին բոլոր նախապայմանները հետագա ֆեոդալական հարաբերությունների զարգացման համար: Այս էպոխան ընդգրկեց պատմական մի երկարատև ժամանակաշրջան — 7 — 2-րդ դարերը:

Այդ ընթացաշրջանում աշխատանքի հասարակական բաժանման հետևանքով երկրի էկոնոմիկայում տեղի էին ունեցել կարևոր փոփոխություններ և տեղաշարժեր: Արհեստային արդյունաբերությունը արդեն սահմանադրվում էր դյուդատնտեսությունից: Ժիշտ է, թույլ, բայց արդեն նկատելի չափով զարգացել էին նաև արտաքին ու ներքին առևտուրը, քաղաքները, դասերն ու դասային հարաբերությունները: Էկոնոմիկայում տեղի ունեցած այս կարևոր փոփոխությունների հետևանքով ստեղծվել էին նոր դասեր, հողատեր ազնվականները, նախարարները, ռազմա-ծառայող դասերը, արհեստավորներն ու առևտրականները, որոնք ամեն կերպ նպաստում և օժանդակում էին կենտրոնացնելու պետական ապարատը: Իշխող դասերի դասակարգային և քաղաքական շահերը պահանջում էին ստեղծել պետական այնպիսի ապարատ, որը ունակ պետք է լինի ոչ միայն կանգնեցնելու դրսի արշավանքները, այլև զսպելու ժողովրդական շարժումներն ու դյուդացիական ապստամբությունը: Սոցիալ-քաղաքական այս նախադրյալների հիմքի վրա 2-րդ դարում (մեր թվ. ա.) ձևավորվեց նաև հայկական պետականությունը: Նրա հիմնադիրը հանդիսացավ Արտաշես Ա-ն. իսկ պատմական այդ պրոցեսը հիմնականում ավարտվեց Տիգրան Բ-ի էպոխայում: